

Sa Cida Santa a Furtei

(pigau de su situ de su Comunu de Furtei)

Sa bia Crucis

Sa cenàbura ca benit prima de sa Cenàbura Santa me is bias de sa bidde andat sa processioni chi sighit a su simulacru de Gesu Cristu flagellau e de sa Madonna addolorada.

Su domìnicu de is Pramas

Apariciendu sa festa de sa Cenàbara, is espertus "Pintadoris" s'agatant me is aposentus de su Comunu po traballai is pramas ca a manera gentili, po traditzioni, ant a èssiri donadas de s'Aministratzioni Comunali e ca ant a èssiri donadas a sa genti su Domìnicu. Unu traballu prus in fini est cussu po sa prama "Su Passiu" ca at a èssiri donada a su Predi po sa processioni.



Sa giòbia santa

S'acostumat, sa Giòbia Santa, a fai sa sciacuadura de is peis a is pipius ca ant a arriciri po sa primu borta Gesus Eucaristia.

Sa cenàbara santa

Pustis sa liturgia de sa Cenàbura Santa sa genti e is turistas torrant a bivi sa Passioni e Morti de Gesu Cristu S.N. me in sa Rapresentatzioni Sacra de " Su Scravamentu ". Is giòvunus e is prus pagu giòvunus de Furtei faint bivi unus cantu arrogus de sa Passioni fadendu sa parti de sa Madonna, Giusepi D'Arimatea, Nicodemo, Santu Giuanni, sa Maddalena e is sordaus. Su Predicadori cun is fueddus cosa sua cumoli sa genti comentu chi fadessit intendi su dolori e su



chi at sunfri su Signori. Santu Giuanni e sa Maddalena cantant giai in unu atitidu su dolori insoru po su "DOLORI" de su Signori Gesù. Acabada sa Rappresentazioni Sacra andat ancora po is bias de sa bidda sa processioni de su Cristu Mortu e sa Madonna Addolorada.

Pasca Manna

A s'ora stabilida po *s'Incontru* partint de sa Parrochiali su simulacru de Cristu Risortu e de s'Oratòriu de sa Cunfraria de s'Arrosàriu su simulacru de sa Madonna bistida a lutu, andendu unu annu si e unu no, po benedixi is sartus postus a trigu, o in sa pratza bàscia de sa bidda (oi Pratzza Resistenza) o in sa parti arta, acanta a sa cresiedda de Santu Nassisu.

Candu Cristu Risortu e sa Madonna si atòbiant, is obreris po tres bortas faint incrubai is simulacrus po fai biri su saludu e su prexu de si torrai a agatai mama e fillu. Unu grupu de òminis in s'interis fait biri su prexu de cussu tempus sparendu unus cantu còpus cun is fosillis.

Sa Priora de su Pòpolu luegus ndi tirat su velu nieddu a sa Madonna ca si ponit a su costau de Cristu Risortu e intra totu sa genti impari andant concas a sa Parrochiali de Santa Barbara, in s'interis is fedelis cantant su Regina Coeli e is Gòcius a Cristu Risortu.